

續

漢

書

辨

疑

續漢書辨疑卷五

嘉定錢大昭晦之甫學

郡國志三

陳畱郡

陳畱 李賢曰今汴州縣

浚儀 李賢曰今汴州縣

尉氏 李賢曰今汴州縣

雍丘 李賢曰今汴州縣

襄邑 李賢曰春秋襄牛地也今爲縣在宋州西

有承匡城 李賢曰古匡邑也故城在滑州匡城縣南

外黃 李賢曰故城在今汴州雍丘縣東

有葵丘聚 杜預曰在縣東

小黃 李賢曰故城在今汴州陳畱縣東北

東昏 李賢曰故城在今汴州陳畱縣東北

濟陽 李賢曰故城在今曹州冤句縣西南

封丘 李賢曰今汴州縣

酸棗 李賢曰今滑州縣

注縣北有延津 袁紹傳紹攻曹操度河壁延津南

長垣 建初四年益濟陰元和初復

圉 故屬淮陽 永元初屬淮陽十二年復李賢曰故城

在今汴州雍丘縣南

扶溝 故屬淮陽 永元初屬淮陽十二年復陳畱風俗

傳云小扶亭有洧水之溝因以名縣

見通鑑注

東郡

濮陽

括地志故城在縣西三十里李賢曰今濮州縣

古昆吾國

括地志昆吾臺在縣西百步顓帝城內周迴

五十步高二丈卽昆吾虛也

燕

李賢曰故城今滑州胙城縣

白馬

有韋鄉 通典滑州韋成縣古豕韋國

頓丘

李賢曰今魏州縣縣北陰安城是也

東阿

李賢曰今濟州縣一

東武陽

李賢曰在武水之陽故城在今魏州華陽縣南

臨邑

李賢曰今齊州縣

博平 李賢曰今博州縣

聊城 李賢曰今博州縣

有聶戚 戚疑成字之譌城與成古通

發干 李賢曰故城在今博州堂邑縣西南

陽平 李賢曰今魏州莘縣

有莘亭 水經注引京相璠曰陽平縣北十里有莘亭自

衛適齊之道縣東有二子廟猶謂之孝祠郡縣志故莘

城在汴州陳留縣東北三十五里古莘國地湯伐桀桀

與韋顧之君拒湯于莘之墟遂戰于鳴條之野

穀城 李賢曰故城在今濟州東阿縣東

東平國 李賢曰今鄆州縣

無鹽 李賢曰故城在今鄆州須昌縣東

有章城 杜預曰鄆紀附庸國在縣東北

東平陸 李賢曰古厥國也今兗州平陸縣

有闕亭 闕與監通說詳前書郊祀志

有堂陽亭 鉅鹿之堂陽續志屬安平此別是堂陽亭耳

注以爲故縣後省疑誤

壽張 故聚屬東郡 聚字衍永平二年來屬

須昌 李賢曰今鄆州縣

故屬東郡 永平二年來屬

寧陽 李賢曰故城在今兗州龔丘縣南

任城國

任城 李賢曰今兗州縣

有桃聚 劉永傳云任城去桃鄉六十里李賢曰桃聚故

城在今兗州任城縣北又曰在今兗州龔丘縣西北

亢父 括地志故城在兗州任城縣南五十一里

樊 李賢曰故城在今兗州瑕丘縣西南

泰山郡 案本紀永壽元年置都尉延熹九年罷

博 有龜山 郡縣志山在兗州泗水縣東北七十五里

梁甫 李賢曰故城在今泗水縣北

鉅平 有陽關亭 括地志陽關故城在今兗州博城縣

南二十九里

羸 李賢曰故城在兗州博城縣東北

山荏 李賢曰今口州縣

萊蕪 李賢曰故城在今淄川縣東南

潘水出 潘當作淄

蓋 前志本屬泰山後又屬琅邪建初五年復說見琅邪
開陽下李賢曰故城在今沂州沂水縣西北

南武陽 前志本屬泰山後又屬琅邪建初五年復李賢
曰故城在今沂州費縣西

南城 李賢曰有南城山因以爲名

濟北國 雒陽東千一百五十里 案此句是司馬彪本
注當在臣昭案之上

盧 李賢曰今濟州縣

有平陰城 水經注京相璠土地名云平陰在盧縣故城西南十里

有清亭 杜預曰在縣東

有長城至東海 京相璠土地名曰平陰城南有長城東至海西至濟河道所由名防門去平陰三里齊侯塹防門卽此也其水引濟故瀆尙存

蛇丘 有遂鄉 杜預曰在縣東北

荏平 李賢曰故城在今博州聊城縣東

剛 李賢曰故城在今兗州龔丘縣東北

山陽郡

昌邑 李賢曰故城在今兗州金鄉縣北

有梁丘亭 括地志故城在今曹州成武縣東北三十二里

東緡 李賢曰在今兗州金鄉縣

鉅野 有大野澤 郭璞曰今高平鉅野縣東北大澤是也郡縣志大野澤在鉅野縣東五里南北三百里東西百餘里

注縣西南有耶亭 左傳定十三年次于垂葭實耶氏杜預曰垂葭改名耶氏

高平 李賢曰故城在今兗州鄒縣西南

故橐 永平元年橐局東平後復

有茅鄉城 續五行志山陽橐茅鄉社有大槐樹

湖陸 李賢曰故城在今兗州方與縣東南

故湖陵 永平元年湖陵屬東平後復

注縣西有費亭城魏武帝所封 案沛國鄆下劉昭引帝

王世記云縣有費亭曹騰所封此又引地道記云在山

陽湖陸劉氏不能確指其所在故兩存之魏武是襲封

耳當云曹騰所封

南平陽 永平元年屬東平後復李賢曰故城在今兗州

鄆縣西南

瑕丘 李賢曰今兗州縣

金鄉 李賢曰今兗州縣

防東 李賢曰故城在今兗州金鄉縣南

濟陰郡 永元元年分濟陰爲城陽國六年國除復故李

賢曰今曹州縣

定陶 有三醢亭 水經注定陶縣故三醢國三醢亭在

濟陰縣東北四十九里

兔句 桓帝時屬甘陵甘陵卽清河國也桓帝更名

有夷聚城 郡縣志故城在縣西北四十里

成陽 括地志古郕伯國史記周武王封季弟載於郕其

後遷於城之陽故曰城陽李賢曰故城在今濮州雷澤

縣北

有堯冢靈臺 郭緣生述征記云成陽縣東南有堯母慶

都墓上有祠廟堯母陵俗亦名靈臺大母

有雷澤 括地志濮州雷澤縣本漢成陽在州東九十一里

乘氏 李賢曰今曹州縣

句陽 李賢曰故城在今曹州乘氏縣北一名穀丘左傳曰盟于句瀆之丘是也

有垂亭 春秋隱八年經作垂傳作犬丘杜預曰地有兩名

離狐 故屬東郡 建初四年來屬

廩丘 李賢曰故城在今濮州雷澤縣北

故屬東郡 未知何時來屬

有運城 左傳成十六年公還待于鄆杜預曰縣東有鄆

城

單父 李賢曰今宋州縣

故屬山陽 前志屬山陽故云故屬攷梁王傳云建初四年以濟陰之單父成武益梁國是後漢初已改屬濟陰永元五年始復其故下成武同

成武 李賢曰今曹州縣

己氏 李賢曰故城在今宋州楚丘縣古戎州己氏之邑也

故屬梁 前志屬梁後改屬濟陰建初四年屬梁後仍屬濟陰

縣邑公侯國八十 言公者衛爲公國也

東海郡 李賢曰今海州縣

郯 李賢曰故城在今泗州下邳縣東北

蘭陵 李賢曰故城在今沂州丞縣東

朐 李賢曰故城在今海州朐山縣西

襄賁 李賢曰故城在今沂州臨沂縣南

昌慮 李賢曰故城在今徐州滕縣東南古邾國之濫邑

承 李賢曰今沂州縣

陰平 李賢曰故城在今沂州丞縣西南

厚丘 前志本屬東海後改屬琅邪建初五年復

贛榆 李賢曰今海州縣

琅邪國

雒陽東一千五百里 此句是司馬彪本注當在案本紀之上

注永壽元年置都尉治 案延熹五年罷都尉官

開陽 李賢曰故城在今沂州臨沂縣北

故屬東海建初五年屬 案琅邪王莽初都莒後上書願徙宮開陽以華蓋南武陽厚丘贛榆五縣易東海之開陽臨沂諸宗許之大昭案縣有廣平亭故屬卽丘建初中割隸見琅邪王傳

琅邪 李賢曰故城在今海州朐山縣東北

東莞 有鄆亭 左傳文十二年季孫行父城鄆杜預曰鄆莒魯所爭者城陽姑幕縣南有員亭員卽鄆也

諸 李賢曰故城在今密州諸城縣西南

莒 琅邪王都于此後徙李賢曰今密州縣

陽都 李賢曰故城在今沂州沂水縣南又云在沂州丞

縣南

有牟臺 左傳昭八年杜注云根牟魯東界縣有牟鄉

臨沂 李賢曰今沂州縣

卽丘 李賢曰故城在今沂州臨沂縣東南

繒 李賢曰故城在今沂州丞縣東北

姑幕 李賢曰故城在今密州莒縣東北古薄姑氏之國

彭城國

彭城 李賢曰今徐州

武原 李賢曰故城在今泗州下邳縣北

傅陽 李賢曰故城在今沂州承縣南

留 李賢曰故城在今徐州沛縣東南

廣陵郡

東陽 括地志故城在楚州盱眙縣東七十里秦東陽縣城也在淮水南

射陽 李賢曰故城在今楚州安宜縣東

堂邑 李賢曰今揚州六合縣故城在博州堂邑縣西

下邳國

下邳 李賢曰今泗州縣

徐 張禹傳徐縣地界有蒲陽坡傍多良田而堙廢莫修

禹爲開水門通引灌溉遂成熟田數百頃大收穀實

僮 李賢曰故城在今泗州宿預縣西南

睢陵 李賢曰故城在今泗州下邳縣東南

盱台 李賢曰今楚州縣

取慮 建武三十年屬楚李賢曰故城在今泗州下邳縣

西南

曲陽 李賢曰故城在今海州朐山縣西南

良成 李賢曰故城在今泗州下邳縣北

夏丘 李賢曰故城在今泗州虹縣是

續漢書辨疑卷五終

通志書辨疑卷六

郡國志四

濟南國 李賢曰故城在今淄州長山縣西北

東平陵 李賢曰今齊州平陵縣

有譚城 說文作鄆杜預曰在平陵縣西南維泌曰今齊之厭城武德中爲譚州東南千里有故城

於陵 李賢曰故城在今淄州長山縣南

臺 李賢曰故城在今齊州平陵縣北

東朝陽 李賢曰在朝水之陽今朝城在濟水北有漯河在今齊州臨濟縣東

恩城 李賢曰今齊州縣

有巨里聚 李賢曰巨里一名巨合城在今齊州全節縣

東南

平原郡 建武三十年以平原之祝阿安德朝陽平昌濕陰重丘六縣益濟南國永平初削祝阿濕陰東朝陽安德西平昌五縣建初八年還所削地

高唐 李賢曰故城在今齊州祝阿縣西

般 李賢曰故城在今德州平昌縣東

鬲 李賢曰故城在今德州西北

祝阿 李賢曰今齊州縣故城在今山茌縣東北

樂陵 李賢曰今滄州縣故城在今樂陵

濕陰

李賢曰故城在今齊州臨邑縣西

安德

李賢曰今德州縣

厭次

李賢曰今棣州縣

西平昌

李賢曰今德州平昌縣故城在般縣西

樂安國

千乘

李賢曰故城在今淄州高苑縣北

高苑

李賢曰今淄州縣

樂安

李賢曰今青州縣故城在今青州博昌縣南又云

在淄州高苑縣北

博昌

李賢曰今青州縣

壽光

李賢曰今青州縣

北海國 脫去雒陽幾許里句李賢曰今青州縣

十八城 景君銘云據北海相部城十九

劇 李賢曰故城在今青州壽光縣南

平壽 李賢曰故城在今青州北海縣

都昌 李賢曰故城在今青州臨朐縣東北

安丘 李賢曰今密州縣

淳于 李賢曰故城在今密州安丘縣東北

東安平 故屬菑川 三史拾遺曰案北海屬縣以前志

校之如高密昌安夷安皆高密國屬縣也而志不云故

屬高密卽墨壯武下密皆膠東國屬縣也而志不云故

屬膠東以本國下已注云建武十三年省菑川高密膠

東三國以其縣屬故不更出也鉅鹿郡下已注云建武十三年省廣平國以其縣屬則任南和斥章曲周列人廣年平鄉不更云故屬廣平廬江郡下已注云建武十三年省六安國則蓼安豐陽泉安風不更云故屬六安亦是此例若琅邪國下已注云建武中省城陽國以其縣屬矣而干宮東安陽都三縣又云故屬城陽廣陵郡下已注云建武中省泗水國以其縣屬矣而于濇縣又云故屬泗水此菑川國之省併與高密膠東同而又云故屬菑川皆所謂自亂其例也

高密 李賢曰今密州縣故城在縣西南

昌安 李賢曰故城在今密州安丘縣外城

夷安

李賢曰故城在今密州高密縣外城

卽墨

李賢曰今萊州縣故城在今萊州膠水縣東南六

十里

壯武

李賢曰故城在今萊州卽墨縣西

下密

李賢曰故城在今青州北海縣

觀陽

李賢曰故城在今萊州昌陽縣東

東萊郡

永平二年以昌陽盧鄉東牟益琅邪

黃

李賢曰今萊州縣故城在縣東南

東牟

李賢曰故城在今萊州聞登縣西北

昌陽

李賢曰今萊州縣故城在今聞登縣西南

盧鄉

李賢曰故城在今萊州昌陽縣西北

黔陽 李賢曰故城在今密州諸城縣東北

不期 當作不其按王景傳八世祖琅邪不其人王扶傳
客居琅邪不其縣皇后紀朱鄆封不其鄉侯竝作其李
賢曰故城在今萊州卽墨縣西南

齊國

臨菑 括地志青州臨菑縣地卽古臨菑地也一名齊城
古營丘之地所封齊之都也少昊時有爽鳩氏虞夏時
有季荊殷時有逢伯陵殷末有薄姑氏爲諸侯國後太
公封方百里

西安 耿弇傳云西安臨淄相去四十里李賢曰故城在
今青州臨淄縣西北

臨朐 李賢曰今青州縣

有三亭古邾邑 三字誤或是邾字

南陽郡 李賢曰今鄧州縣

宛 李賢曰故城在今鄧州南陽縣

冠軍邑 大昭案縣有羽山賈復聚眾處

葉 有卷城 杜預曰在縣南

新野 大昭案縣有拳亭見說文解字李賢曰今鄧州縣

章陵 李賢曰故城在隨州棗陽縣東

故舂陵世祖更名 舂陵本零陵泠道鄉元帝時南陽仍

號舂陵建武六年改舂陵鄉爲章陵縣

有上唐鄉 杜預曰在義陽安昌縣東南李賢曰故城在

今隨州棗陽縣東北

西鄆 李賢曰故城在今鄆州西城縣南

魯陽 李賢曰今汝州魯山縣大昭案縣有陽泉鄉見張

宗傳

雙 李賢曰故城在今汝州魯山縣東南

堵陽 李賢曰故城在今唐州方城縣

舞陰邑 李賢曰故城在今唐州泚陽縣西北

比陽 李賢曰今唐州泚陽縣

復陽 有杏聚 案岑彭傳許邯起杏

平氏 李賢曰今唐州縣

棘陽 李賢曰在棘水之陽古謝國也故城在今唐州湖

陽縣西北

有謝城 水經注泚水又西南流謝水注之水出謝城北
建武十三年封樊重少子丹爲謝陽侯卽其地也

湖陽邑 李賢曰今唐州縣

隨 李賢曰今隨州縣

育陽邑 李賢曰故城在今鄧州南陽縣南

有小長安 李賢曰故城在今鄧州南陽縣南

有東陽聚 李賢曰在今鄧州南

陰 左傳昭十九年楚遷陰于下陰杜預曰今屬南鄉宋
白曰今光化軍本陰縣地

鄧 李賢曰故城在今襄州穀城縣東北

鄧 李賢曰今州

山都 李賢曰舊南陽之赤鄉故城在今襄州義清縣東北今名固城也

鄆 括地志故城在今鄧州新城縣西北四十里

穰 李賢曰今鄧州縣

朝陽 李賢曰故城在今鄧州穰縣南今謂之朝城

蔡陽 李賢曰故城在今隨州棗陽縣西南

安衆 李賢曰故城在今鄧州東南陽縣西南雖有其名

無復基址也

筑陽 李賢曰古穀國也在筑水之陽故城在今襄州穀

城縣西

武當 李賢曰今均州縣

順陽 李賢曰故城在今鄧州穰縣西

丹水 括地志故城在今鄧州內鄉縣西南百三十里去
丹水二百步

析 李賢曰今鄧州內鄉縣

南郡 建初三年鉅鹿王恭徙封江陵王改南郡爲國元
和二年徙恭爲六安王江陵復爲南郡續志但云秦置
似太略李賢曰南郡今荊州

江陵 括地志云荊州縣

注孫叔敖冢在城中四十里 四十圖本作白土

有津鄉 岑彭傳津鄉當荊州要會東觀記曰津鄉爲荆

揚之咽喉李賢曰故城在縣東

巫 李賢曰故城在今夔州巫山縣北

秭歸 李賢曰今歸州縣

中盧 李賢曰故城在今襄州襄陽縣南

當陽 李賢曰今荊州縣

襄陽 李賢曰今襄州縣

注岑彭破張王 張王當作張楊

郎 李賢曰故城在今襄州

有犂丘城 李賢曰黎丘故城在今襄州率道縣北

宜城 李賢曰楚之鄢邑也故城在今襄州率道縣南

臨沮 李賢曰故城在今荊州當陽縣西北

枝江 有丹陽聚 李賢曰丹陽楚所封也故城在今歸

州秭歸縣東

夷道 李賢曰故城在今硤州宜都縣西

夷陵 李賢曰有夷山故曰夷陵今峽州縣也故城在縣

西北

江夏郡 李賢曰故城在今安州雲夢縣東南

竟陵 李賢曰今復州縣故城在今郢州長壽縣南

注縣東有申水 申當作曰左傳定五年涉于成曰杜預

曰竟陵縣有白水出聊屈山西南入漢曰其九切

雲杜 李賢曰故城在今復州沔陽縣西北

邾 括地志故城在今黃州黃岡縣東南二十里春秋時

和國李賢曰故城在今復州竟陵縣東

斬春 李賢曰今斬州縣

鄂 世本熊渠封其仲子紅爲鄂王括地志武昌縣鄂王
舊都今鄂王神卽熊渠子之神也

南新市 李賢曰故城在今郢州富水縣東北

有綠林 李賢曰綠林山在今荊州當陽縣東北

零陵郡

泉陵 李賢曰故城在今永州零陵縣北

零陵 李賢曰今永州縣

泠道 有春陵鄉 李賢曰故城在永州唐興縣北

洮陽 李賢曰故城在今湘源縣西北

夫夷 李賢曰扶夷故城在今邵州武岡縣東北

故屬長沙 案前志夫夷本屬零陵

重安 故鍾武 李賢曰鍾武故城在今中州鍾山縣西

南大昭案重安前志屬江夏此不言故屬江夏疑脫

桂陽郡

郴 義帝所都

耒陽 耒說文作耒地理志耒山在郴縣耒水所出蓋縣
在耒山之陽

有鐵 衛風傳云耒陽縣出鐵石他郡民庶常因依聚會
私爲冶鑄遂招來亡命多致姦盜賊乃上言置鐵官罷
斥私鑄注引續志有鐵下有官字

臨武 李賢曰今郴州縣

桂陽 李賢曰在桂水之陽今連州縣

含洄 李賢曰今廣州縣故城在今縣東

滇陽 李賢曰今廣州縣

曲江 李賢曰今韶州縣洪景伯曰周惛碑陰宰曲紅者
一人貫曲紅者十六人綏民校尉熊君碑亦同兩漢書
皆作曲江諸家地理書皆云水流屈曲故曰曲江惟水
經漆水注云縣昔號曲紅山之名也未知水經注何所
據

武陵郡 李賢曰今朗州縣

臨沅 李賢曰故城在今朗州武陵縣

充 李賢曰故城在今澧州崇義縣東北

沅陵 李賢曰今辰州縣

有壺頭山 李賢曰在縣東武陵記曰此山頭與東海方壺山相似神仙多所遊集因名壺頭山

辰陽 李賢曰今辰州辰溪縣

長沙郡 隸釋周憬碑陰澧陽守長長沙漢昌蹇祇大昭案據此則長沙當有漢昌縣然郡國志止于孝順碑立于靈帝熹平時或桓靈時置

臨湘 李賢曰故城今潭州長沙縣

茶陵 熊君碑作茶陵古無茶字皆作茶

益陽 李賢曰在益水之陽今潭州縣也故城在縣東

下雋 李賢曰故城在今辰州沅陵縣

續漢書辨疑卷六終

續漢書辨疑卷六

十

博李沈氏
張斗齋叢書

續漢書辨疑卷七

嘉定錢大昭晦之甫學

九江郡

壽春 李賢曰今壽州縣

逡邇 李賢曰故城在今廬州慎縣南

西曲陽 李賢曰在淮曲之陽故城在今豪州定遠縣西北

合肥 李賢曰故城在今廬州北

歷陽 李賢曰今和州縣

刺史治 三史拾遺曰注引漢官以壽春爲刺史治與志不同以予攷之漢末州治實在壽春初平四年袁術殺

揚州刺史陳溫遂據淮南淮南謂壽春也

劉繇為揚州刺史因袁術

已據壽春繇乃渡江治曲阿見吳志孫策傳

志所據者順帝永和之制故有

不同如荊州本治漢壽而劉表治襄陽兗州本治昌邑

而曹操治鄆城冀州本治高邑而韓馥袁紹皆治鄴徐

州本治郟而呂布治下邳皆漢末徙治非東京之舊也

當塗 李賢曰今宣州縣故城在縣西南

全椒 李賢曰今滁州縣

鍾離 李賢曰今濠州縣故城在縣東

阜陵 李賢曰故城在今滁州全椒縣南

丹陽郡

丹陽 李賢曰故城在今潤州江寧縣東南

涇 李賢曰今宣州縣故城在縣東有涇水出蕪湖因水立名

黟 當作黟說文解字丹陽有黟縣水經注縣居黟山之陽故縣氏之

蕪湖 李賢曰故城在今宣州當塗縣東南

句容 李賢曰今潤州縣

春穀 嚴訢碑作春穀

廬江郡 章帝紀元和二年改廬江爲六安國徙江陵王恭爲六安王章和二年恭又徙封彭城復六安爲廬江郡其沿革之故志亦不載

注建武十年省六安國以其縣屬 十年當作十三年據

此似建武十三年以前爲六安國矣然成武侯傳云建武八年順擊破六安賊拜爲六安太守又似嘗爲六安郡志所未詳不可知矣

舒 李賢曰故城在今廬州廬江縣西

潛 李賢曰故城今壽州霍山縣

龍舒 李賢曰故城在今廬州廬江縣西

皖 李賢曰今舒州懷寧縣

六安國 當云六故國括地志故六城在壽州安豐縣口

百二十里本六國偃姓皋陶後所封

安豐 李賢曰今壽州縣故城在今壽州霍邱縣西北

陽泉 李賢曰故城在今壽州安豐縣南

安風 李賢曰故城在今壽州安豐縣南

會稽郡 李賢曰今越州縣

鄞 李賢曰今越州縣郡縣志云明州古鄞縣也

太末 李賢曰今婺州龍丘縣也

注左傳謂姑蔑 末蔑古字通

上虞 李賢曰故城在今越州餘姚縣西

餘姚 李賢曰今越州縣

句章 李賢曰故城在今越州鄞縣西

鄞 李賢曰故城在今越州鄞縣東南

吳郡

吳 震澤在西後名具區澤 爾雅郭注今吳縣太湖卽

震澤也越絕書云太湖周三萬六千頃寰宇記引虞翻
川瀆記云太湖東通松江南通雪溪西通荆溪北通滬
湖東連韭溪凡五道謂之五湖

烏程 李賢曰今湖州縣

餘杭 注顧來曰 來閩本作夷

毘陵 李賢曰今常州晉陵縣

曲阿 李賢曰今潤州縣

由拳 李賢曰故城在今蘇州嘉興縣南

陽羨 李賢曰故城在今常州義興縣南

豫章郡

宜春 李賢曰今袁州縣

鄱陽 李賢曰今饒州縣故城在縣東

艾 李賢曰故城在今洪州建昌縣

郡國志五

漢中郡

南鄭 李賢曰今梁州縣故城在縣東北

西城 李賢曰今金州縣

褒中 李賢曰今梁州褒城縣

注有唐公防嗣 嗣當作祠案唐公房碑云耆老相傳以

爲王莽居攝二年君爲郡吏土域啖瓜旁有真人左右
莫覺而君獨進美瓜又從而敬禮之真人遂與君神藥
曰服藥以後當移意萬里知鳥獸語言是時府在西成

去家七百餘里休謁往來轉景卽至閩郡驚焉白之府
君從爲御史風輟輶車被具君乃畫地爲獄召鼠誅之
視其腹中果有被具府君欲從學道公房無所進府君
怒勅尉部吏收公房妻子乃先歸於谷口呼其師告以
厄急其師與之歸以藥飲公房妻子曰可去矣妻子戀
家不忍去又曰豈欲得家俱去乎妻子曰固所願也於
是乃以藥塗屋柱飲牛馬六畜須臾有大風元雲來迎
妻子宅屋六畜翛然與之俱去

殿本
不誤

上庸 李賢曰故城在今房州清水縣西

巴郡

注劉綽分巴 綽當作璋

江州 李賢曰故城在今渝州巴縣西

宕渠 李賢曰宕渠山名因以爲縣故城在今渠州流江縣東北俗名車騎城是也

胸忍 李賢曰十三州志云胸音春忍音閏其地下溼多胸忍蟲因以名縣故城在今夔州雲安縣西萬戶故城是也

閬中 李賢曰今隆州縣

魚復 李賢曰故城在今夔州人復縣北赤甲城是也
扞木有扞關 公孫述傳東守巴郡扞關之口李賢曰故基在今峽州巴山縣西

涪陵 蜀漢置涪陵郡隸續有漢故涪陵太守隴玄神道

大昭案縣有黃石灘岑彭破侯丹處

墊江 李賢曰今忠州縣

廣漢郡

雒 李賢曰今益州縣故城在縣南

新都 李賢曰今益州縣故城在縣東

縣竹 李賢曰今益州縣故城在縣東

什邡 隸釋王君平鄉道碑武都丞呂國題名俱作什邡

涪 李賢曰今縣州縣

梓潼 李賢曰今始州縣

郫 李賢曰今梓州縣故城在縣西南

廣漢 有沈水 卽臧宮破延岑處

蜀郡

成都 李賢曰今益州縣

郫 李賢曰今益州縣故城在縣北

繁 李賢曰今益州新繁縣故城在縣北

廣都 李賢曰故城在今益州成都縣東南

臨邛 李賢曰今邛州縣

蠶陵 李賢曰故城在今翼州翼水縣西有蠶陵山因以

名焉

廣柔 李賢曰故城在今茂州汶川縣

犍爲郡 故夜郎國安帝永初六年詔令犍爲置漢平苑

李賢曰故城在今眉州隆山縣西北

武陽 李賢曰故城在今眉州隆山縣東杜佑曰在嘉州

綏山縣東

資中 李賢曰今資州資陽縣

南安 有魚泣津 泣當作沾吳漢傳漢與公孫述將魏

黨公孫永戰于魚涪津大破之注云在南安縣北臨大

江劉昭注引蜀都賦注作魚符津符沾聲相近也

牂牁郡

進乘 乘當作桑

越嶲郡 安帝永初七年詔令越嶲郡置長利高望始昌

三苑李賢曰今嵩州縣

邛都 注南中志曰有水名邛廣都河 廣字疑衍後漢

西南夷傳邛都夷者武帝所開以爲邛都縣無幾而地陷爲汗澤因名爲邛池南人以爲邛河注引南中八志亦無廣李賢曰河在今嶺州越嶲縣東南

遂久 李賢曰故城在今靡州界

閼 當作闕

蘓示 西南夷傳作蘇祈注引此亦作祈

益州郡 安帝永初六年詔令益州郡置萬歲苑

滇池 李賢曰故城在今昆州晉寧縣

毋掇 說文益州有楛縣前志亦無毋字

建伶 西南夷傳作建憐伶憐聲相近

永昌郡

注明帝永平二年分益州置 二年當作十二年時益州
徼外夷哀牢王相率內屬顯宗以其地置哀牢博南二
縣割益州郡西部都尉所領六縣合爲永昌郡

不韋 李賢曰故城在今匡州匡川縣西

廣漢屬國 永初二年分廣漢北部置

蜀郡屬國 靈帝時爲漢嘉郡見西南夷傳

注延光元年 元年本紀及西南夷傳竝作二年

漢嘉 故青衣 隸續閣道碑云漢安長蜀郡青衣陳君

到官大昭案前志蜀郡有青衣縣陽嘉二年改曰漢嘉
西南夷傳安帝時青衣道夷邑長令田舉土內屬此陳
君碑立于永建五年未改名之前故稱青衣也李賢曰

青衣道在大江青衣二水之會今嘉州龍游縣也

隴西郡 本紀順帝陽嘉二年復置隴西南部都尉李賢曰今渭州縣

狄道 李賢曰今蘭州縣

襄武 有五鵠聚 疑當作五谿來款破先零羌處

臨洮 當云南部都尉治李賢曰故城在今岷州

注馬防築案西城 李賢曰故城在今岷州和政縣東亦

名臨洮東城亦謂之赤城沙州記曰從東洮至西洮一百二十里東洮卽謂此城大昭案縣有望曲谷羌豪布橋屯兵處水經注云望曲在臨洮西南去龍桑城二百里

袍罕 李賢曰今河州縣

白石 故屬金城 汲古閣本脫此一縣當據岡本補

南監

本有此縣

漢陽郡

冀 李賢曰今秦州伏羌縣宋白曰秦州治隴城縣卽故

冀城

有雒門聚 李賢曰落門聚在今渭州隴西縣東南有落

門山落門水出焉

望恆 恆當作垣前志及劉寬碑陰俱作垣

略陽 前志作略陽道李賢曰故城在今秦州隴城縣西

北

从紀 李賢曰今秦州縣故城在今秦州隴城縣西北

平襄 李賢曰故城在今秦州伏羌縣西北

顯親 李賢曰故城在今秦州成紀縣東南

上邽 李賢曰今秦州縣

西 李賢曰故城在今秦州上邽縣西南

武都郡 李賢曰今武州

下辨 前志作下辨道隸釋武都丞等題名有下辨道長

廣漢計邠任詩知後漢亦爲下辨道也李賢曰今成州

同谷縣舊名武衛城

注有赤亭 李賢曰故城在今渭州襄武縣東南

河池 李賢曰今鳳州縣一名仇池

沮 李賢曰今興州順政縣

金城郡 自王莽末西羌寇邊遂入居塞內金城屬縣多

爲虜有見馬援傳建武十二年省屬隴西十三年復置永初

四年徙都襄武見本紀其沿革志亦失載

允吾 李賢曰故城在今涼州昌松縣東南城臨麗水一

名麗水城

浩豐 李賢曰故城在今蘭州廣武縣西南

注有雒都谷 李賢曰洛都水一名湟水西自吐谷渾界

入在今鄯州湟水縣

令居 本紀建武九年復置護羌都尉漢官儀云都令居

縣

破羌 李賢曰故城在今鄯州湟水縣西

金城 李賢曰故城在今蘭州廣武縣西南

榆中 前書項籍傳蒙恬爲秦將開榆中地數千里

安定郡 案本紀建武二十一年安定屬國胡叛永壽元

年南匈奴叛安定屬國都尉張奐討之劉寬碑陰有安

定屬國都尉孟扶據此是安定有屬國也志不載又前

志安定有涇陽案隗囂傳云又追敗之于烏氏涇陽閒

本紀建寧元年段熲破先零羌于涇陽是安定有涇陽

縣也志亦不載李賢曰安定今涇州縣

臨涇 李賢曰今涇州縣

高平 李賢曰今原州平高縣

本或作高平縣誤

朝那 注涇水出縣西丹頭山 丹當作开

烏枝 枝當作氏李賢曰烏氏故城在今涇州安定縣東

有瓦亭 杜佑曰在原州之蕭關蕭關漢朝那縣東

注有龍池山 隗囂傳方望云烏氏有龍池之山微徑南

通與漢相屬

三水 李賢曰故城在今涇州安定縣南

陰盤 李賢曰今涇州陰槃縣

彭陽 李賢曰今原州縣

北地郡 李賢曰今寧州

富平 李賢曰故城在今靈州回樂縣西南

靈州 李賢曰故城在今慶州馬嶺縣西北大昭案縣有

丁奚城耿溥與先零羌戰沒處

武威郡

姑臧 李賢曰今涼州縣故城在縣西北西河舊事曰涼州城昔匈奴故蓋臧城後人音訛名姑臧也

武威 李賢曰故城在今涼州姑臧縣西北

鸞鳥 李賢曰故城在今涼州昌松縣北

鷓陰 李賢曰故城在今涼州姑臧縣東南因鷓陰河以

爲名

張掖郡 李賢曰今甘州縣

昭武 李賢曰故城在今甘州張掖縣西北

日勒 李賢曰故城在今甘州刪丹縣東南

刪丹 李賢曰今甘州縣

酒泉郡 李賢曰今肅州縣

戶萬二千七百六 載戶不載口史脫文

表氏 氏亦作是李賢曰故城在今甘州張掖縣西北

敦煌郡

淵泉 本或作拼泉非也李賢曰淵泉地多泉水故城在
今瓜州晉昌縣東北

廣至 李賢曰故城在今瓜州常樂縣東今謂之縣泉堡
是也

龍勒 有玉門關 李賢曰玉門關在今沙州

居延屬國

安帝別領一郡 郡當作城

居延 李賢曰本匈奴地武帝因以名縣故城在今甘州
張掖縣東北

續漢書辨疑卷七終

續漢書辨疑卷八

嘉定錢大昭晦之甫學

上黨郡 馮衍傳云上黨之地有四塞之固東帶三關西

爲國蔽注云三關謂上黨關壺口關石陘關也

屯留 左傳襄十八年晉人執孫蒯于純留卽此李賢曰
今潞州縣

涅 李賢曰故城在今潞州鄉縣西

有闕與聚 韓信破代禽夏說處

泣氏 李賢曰西有泣谷水故以爲名今澤州高平縣也

穀遠 注有羊頭山 案羊頭山任尙破敗羌處

太原郡 李賢曰今并州

晉陽 括地志晉陽故城今名晉城在蒲州虞鄉縣西

本唐國 括地志故唐城在并州晉陽縣北二里

注杜凱曰 凱當作預闡本作杜元凱亦非也

刺史治 刺史上脫州字

界休 李賢曰今汾州縣

干離 當作于離

狼孟 李賢曰故城在今并州陽曲縣東北

孟 當作孟注同

陽曲 李賢曰今并州縣

陽邑 有箕城 杜預曰在縣南

上郡

庸施 李賢曰故城在今涇州上縣東南

高奴 括地志延州州城卽漢高奴縣司馬貞曰今鄜州有高奴城

龜茲屬國 前志上郡龜茲有屬國都尉治後罷和帝紀永元二年復置上郡屬國都尉官此屬國下疑當有都尉治三字又縣有鹽官西羌傳虞詡疏云又有龜茲鹽池以爲民利

西河郡 李賢曰今勝州富昌縣

離石 郡本治平定永和五年徙此括地志云今石州所理縣

美稷 前志有屬國都尉治後罷永元二年復置

中陽 李賢曰今汾州孝義縣

五原郡

九原 李賢曰故城在今勝州銀城縣

曼柏 度遼將軍屯兵于此李賢曰故城在今勝州銀城縣

雲中郡

雲中 李賢曰故城在今勝州北

沙南 注案烏桓有蘭池城烏桓之國耿曄處 案順帝

紀注引續漢書沙南有蘭池城據此則是本注此案烏桓三字衍文下句劉昭注文內之字亦衍

定襄 李賢曰今雲州縣

定襄郡

武成 前志作武城

鴈門郡

繁峙 李賢曰今代州縣胡三省曰唐繁峙雖存漢縣名
非古繁峙也

樓煩 李賢曰故城在今代州崞縣東北

武州 注武帝誘匈奴 案武帝上閭本有前書二字

崞 李賢曰今代州縣

平城 李賢曰今雲州定襄縣

馬邑 李賢曰今朔州也

廣武 李賢曰故城在今代州縣

朔方郡

前漢之季朔方有牧建武十一年省并并州

朔方

李賢曰今夏州縣故城在縣北

涿郡

故安

李賢曰故城在易州易縣東南

雹水出

水經注世祖令耿況擊故安西山賊吳耐蠡符

雹上十餘營皆破之卽是水也

范陽

李賢曰今幽州縣在范水之陽故城在今易州易

縣東南大昭案縣有小廣陽世祖擊尤來五幡過此注

云卽廣平亭也在縣西南以有廣陽國故謂此亭爲小

廣陽也

廣陽郡

脫離陽東北句

蒯 說文作鄒李賢曰今幽州縣

刺史治 刺史上脫州字

昌平 李賢曰今幽州縣故城在縣東

軍都 李賢曰故城在今幽州昌平縣西北縣有軍都山

安次 李賢曰今幽州縣也故城在縣東

代郡

高柳 李賢曰故城在今雲州定襄縣

馬城 李賢曰故城在今雲州定襄縣秦始皇初築城輒

崩壞其後有馬周章馳走因隨馬跡起城故以名焉

上谷郡

沮陽 李賢曰故城在今媯州懷戎縣東

漁陽郡

漁陽 李賢曰在漁水之陽今幽州縣

潞 前志及劉寬碑陰竝作路今幽州縣

雍奴 李賢曰今幽州縣

泉州 李賢曰故城在今幽州雍奴縣南

平谷 李賢曰故城在今幽州潞縣北

安樂 李賢曰故城在今幽州潞縣西北

右北平郡

上琅 前志及耿弇傳作土琅李賢曰故城在今平州西

南

俊靡 耿弇傳作浚靡李賢曰故城在今幽州漁陽縣北

無終 李賢曰本山戎國也無終山名因以爲國號故城
在今幽州漁陽縣

遼西郡

陽樂 李賢曰今平州縣

肥如 李賢曰故城在今平州

遼東郡

襄平 李賢曰故城在今平州盧龍縣西南

元菟郡 順帝陽嘉元年復置元菟屯田六部

西蓋烏 烏前志作馬

樂浪郡

淇水 淇當作浪

貪資 前志作舍資

占蟬 前志作黏蟬

遼東屬國

賓徒 當作賓從

無慮 有醫無慮山 案安帝紀元初二年鮮卑圍無慮

縣又攻夫犁營注云無慮屬遼東郡有醫無慮山因以

爲名夫犁縣名屬遼東屬國鮮卑傳注亦同惟夫犁然作扶黎然

則章懷所見本遼東屬國有夫犁無無慮也無慮旣屬

遼東不應重出竊意此無慮當是夫犁之譌因聲相近

而誤耳此有醫無慮句當移于遼東無慮之下

南海郡 李賢曰今廣州縣

番禺 李賢曰故城在今廣州西

蒼梧郡 李賢曰今梧州縣

廣信 李賢曰故城在今梧州蒼梧縣

鬱林郡 李賢曰今郴州縣

十一城 下脫戶口數目

合浦郡 李賢曰今廉州縣

臨元 前志作臨允

交趾郡 賈琮傳交趾土多珍產明璣翠羽犀象瑇瑁異香美木之屬莫不自出

十二城 陳景雲曰交趾鬱林二郡皆逸戶口之數攷建武中馬援旣平交趾請分西于縣爲封谿望海二縣時

西于一縣已有三萬二千合餘數縣計之戶口之縣必
甲嶺表諸郡矣

龍編 李賢曰今交州縣

麓泠 李賢曰縣有金溪穴相傳音訛謂之葉谿劉隆破
徵側處其地在今岑州新昌縣

西于 李賢曰故城在今交州龍編縣東

九真郡 李賢曰今愛州縣

居風 李賢曰今愛州

無功 前志作無切

日南郡

盧容 閩本作盧谷

象林 本紀和帝永元十四年初置象林將兵長史官李
賢曰今鬱林州

至于孝平凡郡國百三 馬援傳援與楊廣書云前披輿
地圖見天下郡國百有六所奈何欲以區區二邦以當
諸夏百有四乎然則建武比孝平時多三郡國矣蓋王
莽時分置

世祖中興惟官多役煩乃命并合 本紀建武六年并省
四百餘縣吏職減半

續漢書辨疑卷八終

續漢書辨疑卷九

嘉定錢大昭晦之甫學

百官志一

故新汲令王隆作小學漢官篇 案祭祀志注引王隆漢官篇云是古者清廟茅屋又本志注引曰調均報度輪漕委輸

注越騎校尉劉千秋 案千秋卽文苑傳之劉珍也傳以爲字秋孫

太尉公一人 太尉得稱宰相龐參傳云洛陽令視良率吏卒入太尉府有司以良不先奏聞輒折辱宰相坐繫詔獄

注元狩六年罷太尉置司馬 案百官表置大司馬在元狩四年漢官儀誤

建武二十七年去大 朱祐奏宜令三公並去大名以法經典帝從其議

注詔書殿下 殿下永樂大典本漢舊儀作數下

建武十八年省也 本紀建武十一年省大司徒司直官此云十八年誤

吳漢以大將軍爲大司馬 景丹傳舊制驃騎將軍官與大司馬相兼也

故以舅馬防行車騎將軍征之 舊制長史司馬各一人防行車騎將軍有兩司馬

造大將軍位在公上、舊大將軍位在三公下置官屬依
太尉寶憲威權震朝廷公卿希旨奏憲位次太傅下三
公上長史秩中二千石從事中郎二人六百石自下各
有增

從事中郎二人六百石 六百石疑是三百石觀寶憲傳
千石之長史司馬增至中二千石則三百石之從事中
郎亦增至六百石矣比例可知

部校尉一人 郭躬傳帝曰軍征校尉一統于督注督大
將也

明帝初置度遼將軍 永平八年置屯五原曼柏

百官志二

注此宏模不可闕者者也 閩本此下有則字無下者字

注太史待詔三十七人 三當作五

博士祭酒一人 十三州志云博士祭官博通古今秩皆六百石孝武初置五經博士後稍增至十四員取聰明威重者一人爲祭酒主領焉

春秋二公羊嚴顏氏 公羊二字疑衍徐防傳注引漢官儀亦無公羊

太子樂令一人 曹褒傳云尙書玳璣鈐曰有帝漢出德治作樂名予明帝善之詔改太樂官曰太子樂本或作太子誤

注三署郎 黃琬傳舊制光祿舉三署郎以高功久次才

德尤異者爲茂才四行

四行敦厚質樸遜讓節儉

時權富子弟多以

人事得舉而貧約守志者以窮退見遺京師爲之謠曰
欲得不能光祿茂材

注獻帝以曹操爲南中郎將

陳景雲曰操當作植見魏

志植傳

諫議大夫

韋彪傳云諫議之職應用公直之士通才審

正有補益于朝者

其灌謁者郎中比三百石

獨行傳雷義爲守灌謁者注

引漢官儀曰謁者三十五人以郎中秩滿歲稱給事未

滿歲稱灌謁者

掌宮門衛士

周禮宮正注若今時衛士填街蹕也疏云

漢儀大駕行幸使衛士填塞街巷以備非常

後置左駿令廐 令廐二字當乙

正左監各一人 各字疑衍馮緄碑緄爲廷尉左監正

注有三官司徒所部 官當作卿謂太僕廷尉大鴻臚也

百官志三

平準令一人 本紀熹平四年改平準爲中準使官者爲
令列于內署自是諸署悉以閹人爲丞令

侍中本有僕射一人中興轉爲祭酒 案永平十七年承

宮爲侍中祭酒

見承宮傳

然卓茂傳又云更始以茂爲侍中

祭酒則祭酒之名似不自中興始也

中常侍千石 宋穆傳漢故事中常侍參選士人建武以

後乃悉用宦者自延平以來浸濫貴盛馮緄傳舊典中
官子弟不得爲牧民職

給事黃門侍郎六百石 案獻帝紀初令給事黃門侍郎
員各六人注漢官儀曰給事黃門侍郎六百石是給事
當連黃門侍郎讀也本或將給事誤入上文本注中非
是

掌侍從左右給事中 鄭眾傳永平初以明經給事中再
遷越騎司馬復兩給事中

小黃門六百石宦者無員 桓帝紀永壽三年以小黃門
爲守宮令宦者上脫本注曰三字

典宮婢侍使 官當作官周禮酒人注云若今之侍史官

婢又御府令一人亦典官婢宮字誤

注桓帝又置顯湯苑丞 湯當作陽

濯龍監一人 本紀延熹五年又換王侯租以助軍糧出
濯龍中藏錢還之是濯龍亦有幣帛金銀諸貨物矣濯
龍亦稱宮延熹九年祠黃老子濯龍官

中藏府令一人 案桓紀中藏府有承祿署

尙書令一人 伏湛傳云舊制九州五尙書令一郡二人
宣秉傳云光武特詔御史中丞與司隸校尉尙書令會
同並專席而坐故京師號曰三獨坐洪景伯隸釋云蔡
質漢官典儀曰司隸城門校尉上尙書言頓首上下有
誠惶恐頓首上謁者上尙書頓首死罪上下言誠惶恐

頓首死罪上今所在者史晨樊毅兩碑皆用謁者式與
蔡說合惟無極山碑其後但再稱頓首又太常稱臣而
丞不稱莫詳其制 陳忠疏云漢典舊事丞相所請靡
有不聽令之三公雖當其名而無其實選舉誅賞一由
尚書尚書見任重于三公呂強傳云舊典選舉委任三
府三府有選參議掾屬咨其行狀度其器能受試任用
責以成功若無可察然後付之尚書尚書舉劾請下廷
尉覆案虛實行其誅罰今但任尚書或復勅用如是三
公得免選舉之負尚書亦復不坐責賞無歸豈肯空自
勞苦乎仲長統昌言曰光武皇帝雖置三公事歸臺閣
李賢曰臺閣謂尚書也自此以來三公之職備員而已然政有不

理猶加譴責策讓三公至于死免乃足爲叫呼蒼天號
咷泣血者也

尙書六人六百石 韋彪傳建初中彪上疏云天下樞要
在於尙書尙書之選豈可不重而閒者多從郎官超升
、此位雖曉習文法長于應對然察察小慧類無大能宜
簡嘗厯州宰素有名者

侍郎三十六人四百石 鄭巨君傳舊制尙書郎限滿補
縣長令史丞尉宏奏臺職雖尊而酬賞甚薄請使郎補
千石令使爲長帝從之

令史十八人二百石 韋彪傳云往時楚獄大起故置令
史以助郎職而類多小人好爲姦利今者務簡可皆停

省

百官志四

注給事中官侍郎六人封尚書郎 封閭本作比

署少府一人職知長秋 知當作如

及餘吏皆以官名爲號 宦者傳有長樂太官丞王國

將作大匠一人二千石 任隗傳云肅宗卽位以爲將作

大匠將作大匠自建武以來常謁者兼之至隗乃置真

焉

津門 碓陽南面西門

開陽門 南面東頭第一門也

北軍中候一人六百石本注曰掌監五營 三史拾遺曰

案漢官制以委任爲重不依秩祿之多寡五營校尉皆比二千石而中候以六百石監之郡國守相皆二千石而刺史以六百石察之其後政歸臺閣尙書令秩止千石而權任乃在三公之上矣

屯騎校尉一人比二千石 建武十五年復置劉般傳顯宗時五校官顯職閑而府寺寬敞與服光麗伎巧畢給故多以宗室肺腑居之

越騎校尉一人比二千石 建武九年置青巾左校尉官十五年改爲越騎校尉

長水校尉一人比二千石 建武七年省十五年復置射聲校尉一人比二百石 建武七年省十五年復置

注臣昭曰周無司隸 周禮秋官有司隸中士二人下士十有二人注誤

注都官武雒陽百官朝會 武闕本作主

則奉引錄眾事 陳蕃傳注引此文奉引下有總字

百官志五

毋州刺史一人六百石 朱浮傳云舊制州牧奏二千石長吏不任位者事皆先下三公三公遣掾史案驗然後黜退建武七年帝不復委任三府而權歸刺舉之吏

成帝更爲牧建武十八年復爲刺史 案成帝更牧之後哀帝建平二年復爲刺史元壽二年復爲牧經王莽變革建武元年復置牧十八年罷州牧置刺史靈帝中平

五年復改刺史爲牧

每郡置太守一人二十石 韋彪傳云二千石視事雖久而爲吏民所便安者宜增秩重賞勿妄遷徙

并舉孝廉郡口二十萬舉一人 丁鴻傳云永元中大郡口五六十萬舉孝廉二人小郡口二十萬并有夷蠻者亦舉二人帝以爲不均因定議郡國率二十萬口歲舉孝廉一人四十萬二人六十萬三人八十萬四人百萬五人百二十萬六人不滿二十萬二歲一人不滿十萬三歲一人又和帝紀永元十三年令緣邊郡口十萬以上歲舉孝廉一人不滿十萬二歲舉一人五萬以下三歲舉一人此其計口選舉之大較也胡廣傳注引續漢

書曰故事孝廉高第三公及尙書輒優之特勞來其舉將

典兵禁備盜賊 陳景雲曰典兵之上當有尉字

邊郡置農都尉 梁統傳拜騰酒泉典農都尉是也

注太公陰符曰 案此注當在上一條之下

使匈奴中郎將一人比二千石 屯西河美稷縣

護烏桓校尉一人比二千石 居幽州部

注歲時胡市馬 據烏桓傳當作歲時互市焉

護羌校尉一人比二千石 居涼州部建武九年從班彪

議復置

至漢成帝省內史治民更令相治民 清河孝王傳云鄧

太后特聽清河王置中尉內史

太傅但曰傳 清河孝王及江革傳傳作中傅

僕主車及馭 江革傳補楚太僕

大夫比六百石 清河孝王傳以宋衍等並爲清河中大夫注引此文大夫上亦有中字

謁者比四百石 宦者傳程謂濟陰王謁者長興渠曰據此則謁者下亦應有長字

案志所未載諸官或不常置或置而旋罷或微末之職附錄于後以備稽攷

太尉南閤祭酒 案此官見許沖所上說文解字表

攷洪适隸釋司空孔扶碑有上曹屬東閤祭酒本

書周磐傳太守韓崇名蔡順爲東閣祭酒有東閣
當有南閣司空太守俱有東閣祭酒則太尉亦應
有南閣祭酒矣

大將軍中護軍 永元初大將軍竇憲出征匈奴以
班固爲中護軍與參議案前志有護軍都尉屬大
司馬平帝元始元年更名護軍此又加一中字耳
車騎將軍主記室 見文苑傳

車騎將軍主簿 見文苑傳

光祿勳主事 見范滂戴封傳

少府主簿 朱暉傳正月朔旦東平王蒼當入賀故
事少府給璧暉見少府持璧是少府有主簿也

小黃門右史 見中常侍樊安碑

中黃門冗從右僕射 永壽三年置延熹四年省見

本紀

中黃門冗從假史 見中常侍樊安碑

尚書左右僕射官 建安四年置見本紀

左曹 邳彤堅鐔王常並爲此官見邳彤堅鐔景丹

傳

太官右監丞 永壽二年置延熹五年省見本紀

園囿令 光和六年置以宦者爲令見本紀

鴻德苑令 本紀延熹元年置注引漢官儀曰苑令

一人秩六百石 以上八官並當屬少府

承華廐 漢安元年置宜有令丞見本紀

駃騠廐丞 光和四年置領受郡國調馬見本紀

以上二官當屬太僕

西域都護 永平十七年置未知罷于何時永平三年復置永初元年復罷見本紀

戊己校尉 永平十七年置建初元年罷永初三年復置見本紀

騎都尉 西羌傳舊制益州部置蠻夷騎都尉持節領護中興初班彪上言宜復此官光武從之未知罷于何時和帝紀永元三年復置

右校尉 本紀永元十一年置注置在西河鵠澤縣

若盧獄官 本紀永元九年復置

秘書監 本紀延熹二年置注引漢官儀曰秘書監

一人秩六百石

待詔太史 見劉寬碑陰

護漕都尉 本紀建武七年罷

函谷關都尉 建武十九年復置見本紀

漢安都護 中平六年省扶風都尉置見本紀

八關都尉 皇甫嵩傳云中平元年黃巾賊起自函

谷太谷廣城伊闕轅轅旋門孟津小平津諸關皆

置都尉注云太谷轅轅在洛陽東南旋門在汜水

之西

輿服志上

注鉞中央兩頭高 陳景雲曰中央下脫低字見文選注
太皇太后皇太后法駕 陳景雲曰皇太后下當有皇后

二字

如交路帳裳 如閩本作加陳景雲曰路當作絡劉盆子
傳注引此文正作絡注中路字亦誤

黃金塗五末 族子垢車制攷曰五末應是五束之譌

注欲去別駕車屏星惟諫曰 惟當作恂

加交路帷裳皆阜 路當作絡車上施帷裳以屏蔽者交
絡之以爲飾

四都行祠天郊甘泉 四當作西與下東都對

入卿不在鹵簿中 入卿獨斷作公卿儒林傳注作公脫

卿字

屬車四十六乘 儒林傳注蔡邕獨斷作三十六乘

洞朱輪輿不巾不蓋建矛戟幢麾 楊賜傳注引此文洞

作同建作菑菑謂挿也音側事反

捷弓鞬九韃 陳景雲曰九當作九左傳注橫九箭箒也

南句奴傳弓韃韃九一矢四發

出入稱課促 陳景雲曰課字衍促當作娖中山簡王傳

官騎百人稱娖前行注稱娖猶整齊也

輿服志下

郊祀之服皆以衿元 淮南子曰尸祝衿袪高誘曰衿純

服袷墨齋衣也士冠禮曰兄弟畢袷元注云袷同也元者元衣元裳也古文袷爲均篆書袷與袷相似袷卽袷也

於始致治平矣 始閩本作時

皆織成陳畱襄邑獻之云 前書地理志陳畱郡襄邑有服官

乘輿所常服 徐廣輿服雜注云天子朝冠通天冠高九寸黑介幘金薄山所常服也

法冠一曰柱後 前書張敞傳敞弟武曰梁國大都吏民凋敝且當以柱後惠文彈治之耳秦時獄法吏冠柱後惠文武意欲以刑法治梁

建華冠以鐵爲柱卷 東京賦冠華翟列舞八佾薛綜曰
冠華以鐵作之上濶下狹飾以翟雉尾舞人頭戴疑此
是矣

司馬殿門大難衛士服之 難卽鄉人儺之儺

尙書噴收方三寸名曰納言 噴閩本作憤

乘輿落以自珠 落與絡同自當作白

菌簪珥耳珰垂珠 閩本珥下重珥字珠下有也字

假結 假結者假髮爲髻肅宗賜東平琅邪兩王書而送
光烈皇后假紒帛內各一是假結爲皇后所服也廣雅
假結謂之鬻結卽紒也亦作髻

步搖 步搖者上有垂珠步則搖也和熹鄧后加賜馮貴

人頭上步搖

一爵九華 一本作八爵九華

續漢書辨疑卷九終

續漢書辨疑卷九

三

楊李沈氏銅